

明季史料集珍
第一輯

論
厓
秦
草
(三)

明·葉向高撰

偉文圖書公司印行

明·葉向高撰

給

扉

奏

草

(三)

偉文圖書出版社有限公司印行

綸扉奏草卷之十二

三辭 加恩疏

奏爲

恩重難勝祇承增愧三懇

聖明俯從辭免事臣以考滿蒙

恩再疏懇辭再承

溫諭愚陋書生當此優渥捧誦循環銘肝勒膽義
不當更有籲陳以滋煩瀆之罪第臣反覆思
惟人臣受寵于

君父必度其心之所安苟心所不安而冒承則寵

反爲辱今臣之不安者甚多姑不敢枚舉惟
其大端有二有必不容以自昧者其一則同
官未考而臣已受

恩凌節之愆曷逭其一則衆正未登而臣獨進秩
蔽賢之罪安逃此兩事者往來于臣之胸中
不能自遣是以雖欲強顏承受而有所不可
也臣生平素無他長惟省躬揣已一念頗爲
明白每有過分之事非望之福輒面熱內慙
見人羞縮如其中所無愧必不欲作違心之
語以欺人況于

君上今者苦辭蓋真出于羞縮之極萬不容已伏
望

聖明曲垂鑒亮仍將

成命收回使臣得苟一日之安以免三褫之辱臣
幸大矣臣不勝悚息祈懇之至奉

聖旨酬勞勸忠朝廷獎典豈得過于謙讓卿宜勉
承朕命慎勿固辭吏部知道

萬曆三十九年正月初八日

請補閣臣第二十四疏

奏爲懇

恩憐念亟補閣臣事臣之請補閣臣章無慮數十
上大小臣僚之請章無慮數百上而一槩留
中未蒙

俞允臣隻身受事已及三年不知

皇上于此將以臣爲賢乎爲不肖乎以爲賢則未
有賢者而碌碌浮沈一籌莫展之若是也以
爲不肖則未有政本重地可使不肖之人久
據其中任其顛危敗壞而不顧也頃吏部尚

書孫丕揚疏請會推其言甚切且以臣爲盡
悴堪憐夫盡瘁非臣之所敢當也若矜其困
苦以爲堪憐則丕揚用心之厚萬倍于尋常
臣竊感之然而丕揚之憐臣也不如

皇上之憐臣丕揚憐臣不過太息咨嗟以尺一之
疏爲之代請而止矣若

皇上肯憐臣則今日會推明日

點用頃刻之間登庸濟濟臣進可協力而輸忠退
可釋肩而謝事百結之腸可舒已朽之骨可
肉彌天匝地之罪皆可以解救也不然臣訴

苦無門容身無地惟有自哀自憐甘負誤國之罪而已尚何說哉臣一生遭際皆在

聖明天地父母未足云喻竊度

恩慈必無終不憐臣之理故敢復冒昧瀆陳仰祈鑒允臣不勝悚息待

命之至

萬曆三十九年正月十一日

507521

催發考選揭

臣昨接副都御史許弘綱揭帖開列按差各缺無可題代其于衙門之乏人考選之當下蓋已深切而著明矣

皇上拔弘綱于田里之中俾之以內臺之重其心固惟竭忠報

主爲務必不敢以泛漫不急之事市恩沽名以負皇上也夫地方之有巡按如衣之有領馬之有銜勒吏民所恃以提挈操縱不敢爲邪故他官或有苟且而巡按一官則非甚不肖者亦率

多自愛能舉其職何也彼既以激揚爲任合
一省之吏民耳目觀聽皆在于此雖欲苟且
而不可得也

祖宗設立此官其制最善二百餘年方隅之乂安
奸宄之懾服吏治民生之未大破壞率皆其
力是可任其匱乏而不爲之計哉竊度

平心或以各差尚自有人可以挨延不知彼巡歷
已滿例不再巡徃徃杜門候代稱病乞歸雖
黽勉羈留亦甚不便此

令甲一年一代尤有深意而非徒以恤諸臣之

勞也今歲序方新

聖躬康豫薄海內外咸歡欣鼓舞共耀休明而獨
御史一官應代者既苦于繁匏堪差者又困
于候

命臣竊嘆之况六垣封駁之司責任並重今寥寥
亦甚豈可不補伏望

聖明既賜檢發

朝廷之耳目既充海內之精神自暢欽萬方之
福以歸于

一人是亦

皇上順時珍攝之一助也臣不勝悚息祈懇之至
萬曆三十九年正月十五日

請考察日期併兵部軍政揭

臣惟目前有至急二事必不容緩其一爲吏部考察日期其一爲兵部考選軍政考察日期臣曾擬于本月二十八日後蒙

聖諭擬于二月初二日今已數日未蒙

發下部院待此

旨而後可以自陳行事南京待此

旨而後可以一體考察若再有遲延則必至舛誤而紛紛人情變幻日甚其爲察典之害更不小矣至于兵部考選軍政疏上已經兩月未

蒙

尤發不敢揭榜許弁乘之爲非人心因而疑駭
國家所以整肅紀綱修明戎秩者惟此六年一
舉之舊章其可視爲泛常而不加之意乎此
二事者皆目前急切要務該部已經屢催尚
未得

旨故臣不得盲伏望

聖明卽賜檢發非但部臣便于奉行而于我
皇上馭吏馭將之大權亦大有補矣

萬曆三十九年正月十六日

謝

恩併請同官考滿疏

奏爲濫冒

天恩恭陳謝悃併催同官考滿以便政體事臣以
考滿蒙

恩三疏懇辭未蒙

俞允且屢渙

溫綸勉臣祇受臣欲瀝誠再辭則近于瀆辭而不
得則近于虛是以再三思惟不敢屢控謹于
今蚤報名